



Inatsisartuni ilaasortaq, Anders Olsen, Siumut

Kangerlussuaq pillugu § 37 naapertorlugu apeqquteqaammut 2020-134-mut akissut

31-08-2020
Suliaq nr.: 2020 - 13524
ID nr. 56197300

Asasara Anders Olsen

Inatsisartut suleriaasianni § 37 naapertorlugu aqqusinermut aningaasaliissutit pillugit Naalakkersuisunut apeqquteqarputit.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Akissuteqarnissamut ilanngussassamik Aningaasaqarnermut Naalakkersuisoqarfik pissarsiniarfingeqarpoq.

1. Kangerlussuup Sisimiullu akornnganni aqqusiniliornissamut pilersaarusionerq sumut killippa?

Akissut: Aningaasaqarnermut Naalakkersuisoqarfik:

"Kangerlussuup Sisimiullu akornnganni aqquserniornissamut pilersaarusionernik aalajangersimasunik ingerlatsisoqanngilaq. Aallaqqaammut aqqusernup taamaattup sananeqarnissaa inuiaqatigiinnit aningaasaqarniarnerullu tungaatigut kissaatiginarnersoq naliliinermi siunnersortinik avataaneersunik, suliaasaqarfimmu attuumassuteqanngitsunik ikiortissarsiortoqaqqaassaaq."

2. Qeqqata kommunianit pilersaarutit suliarineqarsimasut avataaniit (eksternt) kimit misissorneqarpat?

Akissut: Aningaasaqarnermut Naalakkersuisoqarfik:

"Aningaasaqarnermut Naalakkersuisoqarfiup Qeqqata Kommunian suleqatigalugu Oxford Universitet-imi Oxford Global Projects, imminut akilersinnaassutsimut pisariaqartinneqartunik naliliisussaq isumaqatigiissuteqarfigingajalerpaa."

3. Avataaniillu misissuinerit qaqugu naammassineqassappat?

Akissut: Aningaasaqarnermut Naalakkersuisoqarfik:

"Isumaqatigiissusiassaq suli suliarineqarpoq, kisiannili qaammatit arfinillit qaangiutinnginnerini naammassineqassasoq Aningaasaqarnermut Naalakkersuisoqarfiup naatsorsuutigaa. Suliaq taanna allarpassuartulli COVID-19 peqqutaalluni kinguaattooqqavoq."

4. Aqqusinnermut Qeqqata kommuniata Naalackersuisullu suleqatigiissitaata sulinera sumut killippa?

Akissut: Avataaniit siunnersortit imminut akilersinnaassutsimik misissuinnermut uppersaanissaa aammalu tamanna suliasap ingerlanneqarsinnaanissaanut inassuteqaammik kinguneqarsinnaanersoq apequtaavoq.

5. Suleqatigiissitap innersuussutissani qaqugu qinikkanut tunniutissavaa?

Akissut: Akissummi eqqarsaatigineqarpoq, matumani ataatsimiititaliamut Qeqqata Kommunianit aamma Aningaasaqarnermut Naalackersuisoqarfimmit ilaasortaaffigineqartumut innersuussisoqartoq.

Aningaasaqarnermut Naalackersuisoqarfik:

"Siunnersortit suliaat naammassineqareerpata, inassuteqaatit politikerinut qinikkanut tunniunneqassapput. Tassalu tamatuma kingusinnerpaamik ukiup tulliata aallartinnerani pinissaa naatsorsuutigineqarpoq."

6. Kangerlussuup siunissaa pillugu, Naalackersuisut Illersornissaqarfiullu suleqatigiissitaat sumut killippa?

Akissut: 2019-imi Naalackersuisut aamma Danskit Illersornissaqarfiat illersornissaqarfiup Kangerlussuup mittarfianiiginnarnissaa pillugu tunngavissamik isumaqatigiissuteqarmata, sulinermit tunngavissat allanngorput. Tamatuma kingorna COVID-19 pequtaalluni misissueqqissaarneq, taamaalillunilu aamma suliap ingerlaqqinnissaa kinguaattoorpoq. Suliap suli ingerlanissaa sulissutigineqarpoq, kisiannili suliami suliasat suleqatigiissitap, kommunimit ilaaffigineqartup nalunaarusiamik tunniussisinnaalernissaanut inissinneqarnissaat illersornissaqarfimmut pingaaruteqarpoq.

Tamatuma saniatigut suliami malinneqartussanik isertuussassaqarpoq, tamannalu pissutigalugu Naalackersuisut maannarpiaq annertunerusunik akissuteqarsinnaanngillat.

7. Suleqatigiissitap innersuussutissani qaqugu qinikkanut saqqummiutissavaa?

Akissut: Akissummi eqqarsaatigineqarpoq, matumani ataatsimiititaliamut Naalackersuisunit aamma Illersornissaqarfimmit ilaasortaaffigineqartumut innersuussisoqartoq. Suleqatigiissitap illersornissaqarfiup ilaaffigisaata 2020-mi ukiup ingerlanerani suliasami killiffimmik nalunaaruteqarnissaa naatsorsuutigineqarpoq.

Neriuppunga qulaani allaqqasuni apeqquteqaatit akineqartut.

Inussiarnersumik inuulluaqqusillunga


Karl Frederik Danielsen